

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02 -11-4-3009-15/22

Datum: 22.07.2022. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14), i preporuke Komisije za sukcesivnu nabavku pogonskog goriva za motorna vozila za potrebe Uprave policije, imenovane Rješenjem broj: 02/5-1-30-1-2394 od 07.03.2022. godine, u postupku javne nabavke pogonskog goriva za motorna vozila, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU
O IZBORU NAJPOVOLJNIJEG PONUDAČA I DODJELI OKVIRNOG SPORAZUMA

I

Prihvata se preporuka Komisije za sukcesivnu nabavku i okvirni sporazum za javnu nabavku pogonskog goriva za motorna vozila za potrebe Uprave policije Ministarstva unutrašnjih poslova Kantona Sarajevo dodjeljuje se ponuđačima:

- Energopetrol d.d. Sarajevo i to za:
 - ✓ LOT 1 - sukcesivna nabavka pogonskog goriva na lokaciji općine Stari Grad za ponuđenu cijenu od 65.320,15 KM bez PDV-a
 - ✓ LOT 2 - sukcesivna nabavka pogonskog goriva na lokaciji općine Centar za ponuđenu cijenu od 170.783,67 KM bez PDV-a
 - ✓ LOT 3 - sukcesivna nabavka pogonskog goriva na lokaciji općine Novo Sarajevo za ponuđenu cijenu od 200.915,19 KM bez PDV-a
 - ✓ LOT 5 - sukcesivna nabavka pogonskog goriva na lokaciji općine Ilidža za ponuđenu cijenu od 133.213,56 KM bez PDV-a.
- Hifa oil d.o.o. Tešanj i to za:
 - ✓ LOT 4 – sukcesivna nabavka pogonskog goriva na lokaciji općine Novi Grad za ponuđenu cijenu od 155.767,40 KM bez PDV-a.
- Bucomerc d.o.o. Kiseljak i to za:
 - ✓ LOT 6 - sukcesivna nabavka pogonskog goriva na lokaciji općine Hadžići i Trnovo za ponuđenu cijenu od 76.489,09 bez PDV-a.
- Hifa petrol d.o.o. Sarajevo i to za:
 - ✓ LOT 7 - sukcesivna nabavka pogonskog goriva na lokaciji općine Vogošća i Ilijaš za ponuđenu cijenu od 239.533,44 bez PDV-a.

II

Postupkom javne nabavke predviđeno je potpisivanje Okvirnog sporazuma na period od 1 (jedne) godine. Okvirnim sporazumom Ugovorni organ i Dobavljač mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke. Ukupna vrijednost pojedinačno zaključenih ugovora ne može biti veća od prihvaćene cijene ponude.

III

Ponudajući će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog okvirnog sporazuma o nabavci dostavit će se na potpis izabranim ponuđačima:

- Energopetrol d.d. Sarajevo za LOT 1, LOT 2, LOT 3 i LOT 5;
- Hifa oil d.o.o. Sarajevo za LOT 4;
- Bucomerc d.o.o. za LOT 6; i
- Hifa petrol d.o.o. Sarajevo za LOT 7,

po isteku zakonom predviđenog roka od dana od kada su svi ponudajući obaviješteni o izboru najpovoljnije ponude.

IV

Izabrani ponudajući za LOT 1, LOT 2, LOT 3 i LOT 5 – Energopetrol d.d. Sarajevo i za LOT 6 – Bucomerc d.o.o. Kiseljak su dužni da u roku od 5 (pet) dana od dana prijema ove odluke dostave dokumente navedene u tačkama 12. i 13.2. tenderske dokumentacije, a koje se odnose na član 45. stav 2. tačka od a) do d) i na član 47. stav 1. tačka a).

Izabrani ponuđač za LOT 4 – Hifa oil d.o.o. Tešanj je u svojoj ponudi dostavio tražene dokaze navedene u tački 13.2. tenderske dokumentacije, a koje se odnose na član 47. stav 1. tačka a), čime se oslobađa obaveze naknadnog dostavljanja istih

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca (za član 45. stav 2. tačka od a) do d)), računajući od momenta predaje ponude.

Izabrani ponuđač za LOT 7 – Hifa petrol d.o.o. Sarajevo je u svojoj ponudi dostavio tražene dokaze navedene u tački 12. i 13.2. tenderske dokumentacije, a koje se odnose na 45. stav 2. tačka od a) do d) i član 47. stav 1. tačka a), čime se oslobađa obaveze naknadnog dostavljanja istih.

V

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-3009/22 od 01.04.2022. godine, Obavještenja o nabavci broj: 16475-1-1-15-3-47/22 od 06.04.2022. godine i Ispravke obavještenja o nabavci broj: 16475-1-1-15-8-58/22 od 14.06.2022. godine, proveden je otvoreni postupak javne nabavke pogonskog goriva za motorna vozila za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-3009/22 od 22.06.2022. godine, za aktivno učešće u postupku dostavljene su ponude ponuđača za:

- LOT 1 – sukcesivna nabavka pogonskog goriva na lokaciji općine Centar - Energopetrol d.d. Sarajevo i Hifa petrol d.o.o. Sarajevo;
- LOT 2 – sukcesivna nabavka pogonskog goriva na lokaciji općine Stari Grad – Energopetrol d.d. Sarajevo, Petrol BH Oil Company d.o.o. Sarajevo i Hifa petrol d.o.o. Sarajevo;
- LOT 3 - sukcesivna nabavka pogonskog goriva na lokaciji općine Novo Sarajevo – Energopetrol d.d. Sarajevo, Green oil d.o.o. Sarajevo i Hifa petrol d.o.o. Sarajevo;
- LOT 4 - sukcesivna nabavka pogonskog goriva na lokaciji općine Novi Grad – Energopetrol d.d. Sarajevo, Hifa oil d.o.o. Tešanj, Hifa petrol d.o.o. Sarajevo, Bucomerc d.o.o. Kiseljak i Petrol BH oil Company d.o.o. Sarajevo;
- LOT 5 - sukcesivna nabavka pogonskog goriva na lokaciji općine Ilidža – Hifa petrol d.o.o. Sarajevo, Petrol BH Oil Company d.o.o. Sarajevo i Energopetrol d.d. Sarajevo;
- LOT 6 - sukcesivna nabavka pogonskog goriva na lokaciji općine Hadžići i Trnovo – Bucomerc d.o.o. Kiseljak i Energopetrol d.d. Sarajevo; i
- LOT 7 - sukcesivna nabavka pogonskog goriva na lokaciji općine Vogošća i Ilijaš – Hifa petrol d.o.o. Sarajevo i Energopetrol d.d. Sarajevo.

Komisija za sukcesivnu nabavku za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-3009-14/22 od 21.07.2022. godine, kojim je utvrdila da ponude ponuđača Energopetrol d.d. Sarajevo, Hifa petrol d.o.o. Sarajevo, Petrol BH Oil Company d.o.o. Sarajevo, Bucomerc d.o.o. Kiseljak, Hifa oil d.o.o. Tešanj i Green oil d.o.o. Sarajevo sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju “ekonomski najpovoljnija ponuda” ispunjavaju sve zahtjeve Ugovornog organa.

Komisija je prilikom pregleda i ocjene ponuda utvrdila da su ponuđači Hifa petrol d.o.o. Sarajevo za LOT 2, LOT 5 i LOT 7 i Energopetrol d.d. Sarajevo za LOT 1, LOT 2 i LOT 5 u svojim ponudama naveli manju cestovnu udaljenost od one koju je provjerom utvrdila Komisija, primjenom uslova postavljenih u tenderskoj dokumentaciji. Kako je u tenderskoj dokumentaciji tražena cestovna udaljenost na relaciji policijska stanica – benzinska pumpa – policijska stanica, poštujući odredbe **Zakona o osnovama sigurnosti saobraćaja na putevima u BiH (Sl. glasnik BiH br: 6/06, 75/06, 44/07, 84/09, 48/10, 18/13, 8/17, 89/17 i 9/18)**, u zahtjevu se tražilo pojašnjenje da se cestovna udaljenost utvrdi na prethodno opisan način, a u skladu sa definisanim uslovima u tenderskoj dokumentaciji.

Dana 12.07.2022. godine upućen je zahtjev za pojašnjenje priložene dokumentacije u ponudi ponuđača Hifa petrol d.o.o. Sarajevo broj: 02/6-11-4-3009-8/22 za LOT 2, LOT 5 i LOT 7 i u ponudi ponuđača Energopetrol d.d. Sarajevo broj: 02/6-11-4-3009-9/22 za LOT 1, LOT 2 i LOT 5.

Komisija je takođe utvrdila da je ponuđač Petrol BH Oil Company d.o.o. za LOT 2 i LOT 4 naveo cestovnu udaljenost benzinske pumpe koja nema radno vrijeme 0-24 sata dnevno sedam dana u sedmici, ali je naveo da posjeduje benzinsku pumpu sa traženim uslovima. Kako je u tenderskoj dokumentaciji tražena cestovna udaljenost na relaciji policijska stanica – benzinska pumpa (sa radnim vremenom 0-24 sata svaki dan u sedmici) – policijska stanica, u zahtjevu se tražilo pojašnjenje da se cestovna udaljenost utvrdi na prethodno opisan način, a u skladu sa definisanim uslovima u tenderskoj dokumentaciji.

Za LOT 5 prilikom pregleda i ocjene ponuda utvrđeno je da je navedeni ponuđač naveo manju cestovnu udaljenost od one koju je provjerom utvrdila Komisija, primjenom uslova postavljenih u tenderskoj dokumentaciji.

Kako je u tenderskoj dokumentaciji tražena cestovna udaljenost na relaciji policijska stanica – benzinska pumpa – policijska stanica, poštujući odredbe **Zakona o osnovama sigurnosti saobraćaja na putevima u BiH (Sl. glasnik BiH br: 6/06, 75/06, 44/07, 84/09, 48/10, 18/13, 8/17, 89/17 i 9/18)**, u zahtjevu se tražilo pojašnjenje da se cestovna udaljenost utvrdi na prethodno opisan način, a u skladu sa definisanim uslovima u tenderskoj dokumentaciji.

Dana 12.07.2022. godine upućen je zahtjev za pojašnjenje priložene dokumentacije u ponudi ponuđača Petrol BH oil Company d.o.o. Sarajevo broj: 02/6-11-4-3009-11/22 za LOT 2, LOT 4 i LOT 5.

Ponuđači Hifa petrol d.o.o. Sarajevo, Energopetrol d.d. Sarajevo i Petrol BH oil Company d.o.o. Sarajevo su dostavili odgovor u ostavljenom roku, koji je Komisija procjenila kao zadovoljavajući.

U pristiglim ponudama Komisija je prilikom pregleda i ocjene ponuda utvrdila i postojanje računskih grešaka kako slijedi:

- Ukupni iznos u ponudi ponuđača Energopetrol d.d. Sarajevo za LOT 5, nakon ispravljanja računске greške, treba da iznosi 133.213,56 KM umjesto pogrešno upisanih 133.213,16 (razlika 00,40 KM);
- Ukupni iznos u ponudi ponuđača Energopetrol d.d. Sarajevo za LOT 7, nakon ispravljanja računске greške, treba da iznosi 226.210,16 KM umjesto pogrešno upisanih 260.456,44 (razlika 34.246,28 KM);
- Ukupni iznos u ponudi ponuđača Petrol BH Oil Company d.o.o. Sarajevo za LOT 5, nakon ispravljanja računске greške, treba da iznosi 139.731,70 KM umjesto pogrešno upisanih 142.059,20 (razlika 2.327,50 KM).

Na upućene zahtjeve ponuđači su u ostavljenom im roku dali svoju saglasnost za ispravku računskih grešaka.

U ponudi ponuđača Petrol BH Oil Company d.o.o. Sarajevo vršena je ispravka:

- Na strani 78. – LOT 2 na dokumentu Obavijest o dostavljanju OPC obrasca izvršena je ispravka broja stranice (ispravka je urađena na propisan način)
- Na strani 11. – LOT 4 u Obrascu za cijenu ponude (Aneks III) u koloni ukupna vrijednost takse za dizel gorivo izvršena je ispravka ukupne vrijednosti takse (ispravka je urađena na propisan način)
- Na strani od 50. – 56. na dokumentima Nacrt okvirnog sporazuma (Aneks IX) i Nacrt ugovora (Aneks X) izvršena je ispravka broja stranice (ispravka je urađena na propisan način).

Rang prihvatljivih ponuda prema kriteriju za dodjelu ugovora „ekonomski najpovoljnija ponuda“ na osnovu konačne rang liste ponuđača čije ponude su prihvatljive:

LOT 1			
Naziv ponuđača	Ukupna ponuđena cijena (P) – 90 bodova	Operativni trošak (U) – 10 bodova	Ukupan broj bodova (T) - 100
Energopetrol d.d. Sarajevo	65.320,15 – 90 bodova	1.800 – 10 bodova	100 bodova
Hifa petrol d.o.o. Sarajevo	66.933,27 – 87,83 bodova	7.800 – 2,31 bodova	90,14 bodova

LOT 2			
Naziv ponuđača	Ukupna ponuđena cijena (P) – 90 bodova	Operativni trošak (U) – 10 bodova	Ukupan broj bodova (T) - 100
Energopetrol d.d. Sarajevo	170.783,67 – 90 bodova	4.000 – 6,50 bodova	96,50 bodova
Hifa petrol d.o.o. Sarajevo	180.614,65 – 85,10 bodova	2.600 – 10 bodova	95,10 bodova
Petrol BH Oil Company d.o.o. Sarajevo	175.945,30 – 87,36 bodova	15.500 – 1,68 bodova	89,04 bodova

LOT 3			
Naziv ponuđača	Ukupna ponuđena cijena (P) – 90 bodova	Operativni trošak (U) – 10 bodova	Ukupan broj bodova (T) – 100
Energopetrol d.d. Sarajevo	200.915,19 – 90 bodova	2.400 – 10 bodova	100 bodova
Hifa petrol d.o.o. Sarajevo	213.391,47 – 84,74 bodova	7.100 – 3,38 bodova	88,12 bodova
Green oil d.o.o. Sarajevo	225.784,52 – 80,09 bodova	4.200 m – 5,71 bodova	85,80 bodova

LOT 4			
Naziv ponuđača	Ukupna ponuđena cijena (P) – 90 bodova	Operativni trošak (U) – 10 bodova	Ukupan broj bodova (T) – 100
Hifa oil d.o.o. Tešanj	155.767,40 – 86,37 bodova	900 – 10 bodova	96,37 bodova
Bucomerc d.o.o. Kiseljak	149.479,49 – 90 bodova	3.700 – 2,43 bodova	92,43 bodova
Energopetrol d.d. Sarajevo	149.764,52 – 89,83 bodova	4.400 – 2,05 bodova	91,87 bodova
Hifa petrol d.o.o. Sarajevo	159.862,20 – 84,15 bodova	4.700 m – 1,91 bodova	86,07 bodova
Petrol BH Oil Company d.o.o. Sarajevo	158.630,90 – 84,81 bodova	7.500 – 1,20 bodova	86,01 bodova

LOT 5			
Naziv ponuđača	Ukupna ponuđena cijena (P) – 90 bodova	Operativni trošak (U) – 10 bodova	Ukupan broj bodova (T) – 100
Energopetrol d.d. Sarajevo	133.213,56 – 90 bodova	6.900 – 5,22 bodova	95,22 bodova
Hifa petrol d.o.o. Sarajevo	141.693,83 – 84,61 bodova	3.600 – 10 bodova	94,61 bodova
Petrol BH Oil Company d.o.o. Sarajevo	139.731,70 – 85,80 bodova	6.700 – 5,37 bodova	91,17 bodova

LOT 6			
Naziv ponuđača	Ukupna ponuđena cijena (P) – 90 bodova	Operativni trošak (U) – 10 bodova	Ukupan broj bodova (T) - 100
Bucomerc d.o.o. Kiseljak	76.489,09 – 88,51 bodova	7.700 – 10 bodova	98,51 bodova
Energopetrol d.d. Sarajevo	75.226,41 – 90 bodova	10.600 – 7,26 bodova	97,26 bodova

LOT 7			
Naziv ponuđača	Ukupna ponuđena cijena (P) – 90 bodova	Operativni trošak (U) – 10 bodova	Ukupan broj bodova (T) - 100
Hifa Petrol d.o.o. Sarajevo	239.533,44 – 84,99 bodova	3.100 m – 10 bodova	94,99 bodova
Energopetrol d.d. Sarajevo	226.210,16 – 90 bodova	7.200 m – 4,31 bodova	94,31 bodova

Komisija takođe konstatuje da su ponuđene cijene veće od procjenjene vrijednosti nabavke po lotovima. Međutim, kako je riječ o sukcesivnim isporukama, te će okvirni sporazum biti zaključen na period od 1 godine (2022. – 2023.) u okviru kojeg će se zaključivati pojedinačni ugovori, nabavljane količine predmeta nabavke će biti usklađene sa Budžetskim sredstvima.

Shodno rezultatima pregleda i ocjene ponuda i rang listi prihvatljivih ponuda, Komisija je ocijenila prihvatljivom ponudu ponuđača za:

- Energopetrol d.d. Sarajevo i to za:
 - ✓ LOT 1 – sukcesivna nabavka pogonskog goriva na lokaciji općine Stari Grad sa ukupnom cijenom ponude u iznosu od 65.320,15 KM bez PDV-a;
 - ✓ LOT 2 - sukcesivna nabavka pogonskog goriva na lokaciji općine Centar sa ukupnom cijenom ponude u iznosu od 170.783,67 KM bez PDV-a;
 - ✓ LOT 3 - sukcesivna nabavka pogonskog goriva na lokaciji općine Novo Sarajevo sa ukupnom cijenom ponude u iznosu od 200.915,19 KM bez PDV-a;
 - ✓ LOT 5 - sukcesivna nabavka pogonskog goriva na lokaciji općine Ilidža sa ukupnom cijenom ponude u iznosu od 133.213,56 KM bez PDV-a.

- Hifa oil d.o.o. Tešanj i to za:
 - ✓ LOT 4 – sukcesivna nabavka pogonskog goriva na lokaciji općine Novi Grad sa ukupnom cijenom ponude u iznosu od 155.767,40 KM bez PDV-a.

- Bucomerc d.o.o. Kiseljak i to za:
 - ✓ LOT 6 – sukcesivna nabavka pogonskog goriva na lokaciji općine Hadžići i Trnovo sa ukupnom cijenom ponude u iznosu od 76.489,09 KM bez PDV-a.

- Hifa petrol d.o.o. Sarajevo i to za:
- ✓ LOT 7 - sukcesivna nabavka pogonskog goriva na lokaciji općine Vogošća i Ilijaš sa ukupnom cijenom ponude u iznosu od 239.533,44 KM bez PDV-a.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav 1. tačka a) Zakona o javnim nabavkama („Službeni glasnik BiH“, broj: 39/14), Zapisnikom o pregledu i ocjeni ponuda riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj:39/14).

POLICIJSKI KOMESAR
Generalni inspektor policije

Nusret Selimović

Dostaviti:

1. Komisiji za sukcesivne nabavke
2. Ponuđačima x6
3. Odjeljenju za odnose s javnošću, radi objave na web stranici ovog organa
4. a/a